

氏族典第六百三卷

上官姓部彙考

唐書 宰相世系表

上官氏出自牟姓楚王子蘭爲上官大夫以族爲氏漢徙大姓以實關中上官氏徙隴西上邽漢有右將軍安陽侯桀生安車騎將軍桑樂侯以反伏誅遺腹子期裔孫勝蜀太尉二子曰茂曰先徙東郡後徙陝郡五世孫回至弘爲江都總監又徙揚州

廖用賢尙友錄 上官姓

上官天水羽音

上官姓部列傳

漢 上官桀

按漢書外戚傳孝昭上官皇后祖父桀隴西上邽人也少時爲羽林期門郎遷未央廡令稍遷至太僕武帝疾病以霍光爲大將軍太僕桀爲左將軍皆受遺詔輔少主封桀爲安陽侯後謀廢帝事發

覺族滅

上官安

按漢書外戚傳桀子安取霍光女結婚相親昭帝始立年八歲帝長姊鄂邑蓋長公主居禁中共養帝蓋主私近子客河間丁外人時上官安有女卽霍光外孫安因元欲內之光以爲尙幼不聽安素與丁外人善說外人外人言於長主長主以爲然詔召安女入爲婕妤安爲騎都尉月餘遂立爲皇后年甫六歲安以后父封桑樂侯遷車騎將軍日以驕淫數爲丁外人求侯光不聽於是桀安父子深怨光而重德蓋主知燕王旦帝兄不得立亦怨望桀安卽記光過失予燕王令上書告之燕王大喜上書告光罪過上疑之愈親光而疎桀安桀安寢恚遂結黨與謀殺光誘徵燕王至而誅之因廢帝而立桀事發覺燕王蓋主皆自殺桀安宗族滅

後漢 上官鴻 上官資

按萬姓統譜鴻和帝末爲金城長史

按後漢書李雲傳桓帝延熹時地數震裂衆災頻降雲露

布上書帝震怒送雲黃門北寺獄太常楊秉洛陽市長沐茂郎中上官資並上疏請雲帝恚甚秉免

歸里間茂資貶秩二等

晉 上官晶 上官惇 上官琦

按晉書李特載記特自稱使持節大都督鎮北大將軍李恭上官晶等爲將帥 按晉書李特載

記特以任臧上官惇爲爪牙 按晉書李特載記特以李遠上官琦爲僚屬

北齊 上官顯願

按陽城縣志顯願輔國將軍時東西割據獨當一面殄寇安民厥功不一當時顯達甚衆歷隋唐迄

明子姓蕃衍衣冠不絕

隋 上官景吳 上官明祭

按朝邑縣志景吳上官村人仕隋別將淮海都尉開皇十五年卒 按朝邑縣志明祭景吳之子

朝散大夫

唐 上官儀

按唐書上官儀傳上官儀字游韶陝州人父弘爲隋江都宮副監大業末爲陳稜所殺時儀幼匿免工

文詞涉貫墳典貞觀初擢進士第召授弘文館直學士遷祕書郎太宗每屬文遣儀視稿高宗卽位爲祕書少監進西臺侍郎儀工詩其詞綺錯婉媚及貴顯人多效之謂爲上官體麟德元年坐梁王忠事下獄死籍其家

上官庭芝

上官悅

上官泊

按唐書上官儀傳儀子庭芝歷周王府屬被殺

按唐書德宗本紀貞元十五年九月陳許留後

上官悅及吳少誠戰於臨潁敗績

按萬姓統譜泊乾符末爲鎮將黃巢直趨建州泊與子蘭率

兵剿之力戰父子皆被害

宋 上官正

按宋史上官正傳正字常清開封人少舉三傳後爲鄆州攝官淳化中轉劍門都監李順之亂正奮勵士氣以禦之大破賊超爲六宅使劍州刺史充劍門部署數月至闕入對授以方略令招撫殘孽慰勉遣之正諭以朝廷恩信皆相率出降眞宗卽位改莊宅使廣武叛卒劉旸逐都巡檢使韓景祐正擊敗之旸旸平其黨遷南作坊使咸平二年出知滄州車駕北巡以爲行營先鋒鈴轄王均叛移

知梓州遷洛州防禦使復知滄州分司西京尋致仕四年卒年七十五子璣官至內殿崇班

上官昇

上官師旦

上官拯

上官汲

按邵武府志昇登祥符二年進士第

按邵武府志師旦登祥符五年進士第

按萬姓統譜

拯字公濟光澤人慶曆六年第進士調建寧縣丞聽訟明敏奸黠無所肆其巧遷上杭縣令亦有政聲孫行知解州號令明信

按邵武府志汲邵武人登皇祐五年進士第

上官凝

上官塏

上官基

上官裕

按尚友錄凝字成叔邵武人進士調銅陵尉官滿有老叟十數人送至境上餽藥數器行數里發之皆白金追而反之曰奉法循理非私汝也詎以公義而受私惠乎生平不治產所居僅蔽風雨而已

按邵武府志塏字彥明凝長子敏而好學甫冠登嘉祐二年進士第官至太子中允廣南東路運轉判官葉尚書祖洽稱其才行過人治有異績

按萬姓統譜基字子固光澤人嘉祐二年第進士

嘗知將樂縣會寇起募邑人廖恩殲焉操履可稱子公穎族子公禰俱登科

按光澤縣志裕基

之子登治平四年進士第

上官均

按宋史上官均傳均字彥衡邵武人神宗熙寧親策進士擢第二爲北京留守推官元豐中蔡確薦爲監察御史裏行謫知光澤縣哲宗卽位擢開封府推官元祐初復爲監察御史蔡確弟碩盜貸官錢以萬計獄旣上均論確爲宰相挾邪撓法當顯正其罪以厲百官出知廣德軍改提點河北東路刑獄紹聖初召拜左正言論呂大防蘇轍六罪並再黜大防史禍由此起又奏罷詩賦專以經術取士遷工部員外郎尋提點京東淮東刑獄知越州徽宗立拜中書舍人同修國史兼哲宗實錄修撰遷給事中以龍圖閣待制知承興軍徙襄州崇寧初與元祐黨籍奪職久之復龍圖閣待制致仕卒年七十八

上官濟

上官彝

上官敦復

上官行

上官公穎

上官合

按邵武府志濟登熙寧三年進士第

按邵武府志彝邵武人登熙寧九年進士第

按光澤

縣志敦復登元豐二年進士第

按光澤縣志行拯之孫登元豐二年進士知解州號令明信

按光澤縣志公穎基之子登元豐二年進士

按邵武府志合邵武人登元豐五年進士第

上官恢

按萬姓統譜恢字閔中邵武人均從子元豐八年登進士第崇寧中選河朔守臣以恢知深州改南劍州政尙寬和移知徽州專務仁愛吏民懷服晚奉祠里居過者皆云此熙豐名儒也胡安國以恢與楊時並薦官至中大夫

上官模

按邵武府志模字規中恢之長子自幼力學用父廕累遷朝請郎除通判撫州崇仁宜黃縣境巨盜蠱起一方震恐帥憲二司以討賊事付模直擣其巢擒賊酋衆駭爲神模天資仁恕薄利名喜恬退人稱爲長者

上官橙

按萬姓統譜橙字正平邵武人凝之孫橙幼孤從從父均學登元豐八年進士第調溧陽尉改新息遷濠州錄參改永城縣丞從事十餘年廉正明決雖不見知而自信不改

上官怡

按尙友錄怡字友先塏之子工文詞年十六試太學居第一母年高羸疾方暑晨夕侍側以驅蚊蚋不寢或逾月居憂極哀毀二兄繼歿奉嫂撫孤敬愛兼篤

上官公舉 上官公涉 上官復 上官公綽 上官惕

按光澤縣志公舉登紹聖四年進士第 按邵武府志公涉大觀四年釋褐 按萬姓統譜復

政和三年以朝散大夫知汀州 按邵武府志公綽邵武人登政和二年進士第 按邵武府

志惕字子進邵武和平人登政和二年進士第授星子縣簿調漳州戶曹

上官致孝 上官維祺 上官閔 上官闕

按邵武府志致孝邵武人登政和五年進士第 按邵武府志維祺邵武和平人登政和五年進

士第 按邵武府志閔政和六年釋褐 按邵武府志闕登重和元年進士第

上官問 上官全節 上官超 上官敏功

按邵武府志問登重和元年進士第 按邵武府志全節登宣和六年進士第 按尙友錄超

光澤人性純孝母病薦刲左脇取肝飼母已而母愈縣令張碩名其門曰孝感 按萬姓統譜敏

功長垣令金人陷長垣敏功死之

上官悟

按萬姓統譜悟字仲達均之子用蔭累官祕閣修撰爲東京副留守時濟南劉豫叛降金節度京東兵馬因遣人說降悟斬其使豫復賂其左右使說悟復斬之金兵攻東京愈急城孤勢危力不能拒死之贈左文殿修撰官其後五人

上官愔

按尙友錄均子愔字仲雍第進士二帝北行愔上宰相書請迎康王速卽大位西入京師以圖興復建炎二年遷著作佐郎吏部員外郎出知南劍州以剛介著政聲廖剛論薦堪任察官懇辭不赴奉祠著有尙書小傳論語孟子略解及史統史旨

上官汝明

上官仲昇

上官歸

上官粹中

上官駿

上官瑩中

按邵武府志汝明字光象邵武和平人登建炎二年進士第任會昌縣尉

按邵武府志仲昇紹

興十年舉人

按邵武府志歸紹興丁卯舉人

按萬姓統譜粹中字德厚均再從曾孫喜義

而嗜學隆興初以累舉試策入第調武剛軍僉判在官以長者稱零陵有重囚獄久不決粹中往推
諸片言而定囚感服更無變辭 按邵武府志駿登乾道二年進士第 按邵武府志瑩中邵

武人字德清乾道二年特奏名官終賀州文學博通傳記文辭典贍學者紛集

上官泰亨 上官伯忠 上官賁 上官謐 上官世美 上官損

按邵武府志泰亨邵武人字德順乾道五年特奏名官終寧德縣尉 按邵武府志伯忠邵武人
字存誠淳熙五年特奏名官中州文學 按萬姓統譜賁字濟叔邵武人淳熙五年該恩特赴廷

對調浮梁縣丞郡以事送委予決盡得其情陂塘渠堰多所修築遷貴州推官致仕手不釋卷歲散
困禾以濟貧族 按萬姓統譜謐字宇國邵武人爲學務求義理從朱熹學益加涵養任永州推

官爲政簡易人甚安之 按萬姓統譜世美宣教郎 按萬姓統譜損字益之恢從曾孫少孤

事祖母以孝聞博學工文慶元五年特赴廷試授汀州武平簿

上官必克

按萬姓統譜必克字復之愔曾孫幼孤事母孝謹篤學好修慶元五年以積學推恩監成都府都稅

務鈞察精明洞燭情僞吏無所容其奸以是課額增羨視常歲十倍二三諸司薦其材行調泉州錄參卒

上官瀧 上官銘 上官衡孫

按邵武府志瀧慶元戊午舉人 按邵武府志銘嘉泰辛酉舉和州 按邵武府志衡孫開禧

丁卯舉和州

上官渙酉

按萬姓統譜渙酉字元之邵武人嘉定初第進士端平中知池州先事爲防江之圖及金人入境遂乘勝抵江岸渙酉率舟師往來上下張皇聲勢敵乃引去淳祐中充國用所參詳官遷起居舍人宰相將處以瑣闥而行所欲正色拒之遂以集英殿修撰致仕

上官濛 上官渙申 上官發 上官琦 上官昂 上官方知

按邵武府志濛嘉定三年鄉舉 按邵武府志渙申嘉定三年舉和州 按邵武府志發字元

功嘉定四年特奏名攝助教爲人誠實孝謹 按邵武府志琦邵武人字大受嘉定十年特奏名

官廉州文學

按邵武府志昂邵武人字行之嘉定十年特奏名官終迪功郎

按邵武府志

知方邵武人嘉定十年特奏名官至曲江簿

上官啟宗

上官益明

上官文正

上官渙元

上官子進

按邵武府志啟宗邵武人字平甫嘉定十六年特奏名官寧德縣丞

按邵武府志益明嘉定丙

子鄉舉

按邵武府志文正嘉定壬午鄉舉

按邵武府志渙元紹定四年舉鎮江

按邵武府志子進邵武和平人登淳祐四年進士第官萍鄉縣尉

上官煥然

按萬姓統譜煥然字文之渙西之弟以兄奏補爲鄞縣尉擢淳祐辛丑進士第被薦幹辦行在諸軍糧料院陞對疏論欲正朝廷當自正君心始欲明紀綱當自明公道始愛善類以壯君子之脉容直言以伸公論之氣又條陳守邊三策以獻遷司農寺丞兼右司郎中

上官應琪

上官庸

上官彥華

上官天錫

上官世京

按邵武府志應琪邵武人字以實淳祐四年特奏名官終通直郎

按邵武府志庸邵武人字時

伯淳祐四年特奏名官終滌州司戶參軍

按邵武府志彥華字德實淳祐十年特奏名官宜黃

縣丞

按武邵府志天錫登淳祐七年進士第

按邵武府志世京進士官通判

上官邵史

上官閔

上官端義

上官夔

按邵武府志邵史進士官通判

按邵武府志閔進士官郎中

按萬姓統譜端義字方叔邵

武人以蔭爲惠安簿催科示民以信民自樂輸調袁州司法適歲飢被委發糶民或有不足于直爲
出己資補之遷建安縣丞攝浦城甌甯二邑皆有惠政
按萬姓統譜夔萬州守將元兵圍城夔
戰守甚力招之降不從城陷巷戰而死

元 上官藻

上官伯珪

上官公

上官敏

按安仁縣志藻字聖發官坊人以文學赴召官江淮營田提舉

按安仁縣志伯珪字敬和藻之

子善詩文太子說書陞崑山縣知縣

按乾州志公鴈門招討使陣亡蒙諭葬于州南四十里

按東鄉縣志敏中雲南己卯科舉人

明 上官彥

上官道

上官子榮

上官子齡

上官卜

按安仁縣志彥本邑官坊人爲縣學訓導

按建寧府志道字一明容儀蒼古善楷書洪武初嘗

爲吏棄家結廬龍井坑通道術能愈疾祈禱旱澇年七十七絕粒而終

按萬姓統譜子榮洪武

初建昌知府

按邵武府志子齡南隅人洪武二十八年以茂才舉拜應天府丞兼管上林苑監

事謫温州稅課司大使永樂元年陞建昌府知府卒於官

按東鄉縣志卜儒林人永樂間以軍

功授蒙化衛百戶

上官夢霓

上官德

上官佑

上官廉

上官民望

按東鄉縣志夢霓儒林人由歲貢任分宜縣教諭

按萬姓統譜德浦城人永樂中任戶部主事

按萬姓統譜佑邵武人永樂中新城教諭講習明訓誨無倦擅古人詩律諸作皆精緻

按萬

姓統譜廉南豐人永樂中知海寧公平和易與民相安

按萬姓統譜民望南城人永樂舉人大

理評事

上官仲敏

上官民瞻

上官儀

上官德銘

上官肇和

按萬姓統譜仲敏萬載人永樂間任延平府教授

按萬姓統譜民瞻南城人永樂舉人歷按察

副使

按咸寧縣志儀福建沙縣人宣德間以進士任文學政事獨步一時尤工書畫片紙之存

人爭寶之後擢滄州守

按邵武府志德銘八都四圖人景泰元年以子受恩贈文林郎四川道

監察御史

按邵武府志肇和邵武人字秉中佑之子景泰庚午舉人

上官普

上官千能

上官崇

上官尹

上官寶

按萬姓統譜普晉江人天順間任御史

按萬姓統譜千能沔池人弘治中臨清州判官

按

萬姓統譜崇永豐人弘治壬子舉人歷任知府

按萬姓統譜尹正德中四川巡按御史

按

萬姓統譜寶乾州人萬曆間藩陽衛經歷

上官受

上官倬

上官一清

上官希稷

上官蘊

按邵武府志受字子禮大理寺司務累陞浙江按察司僉事廉慎簡默

按光澤縣志倬字子立

性剛直至孝任浙江台州判官父以誤傷人命議辟倬卽乞休赴京三上書願以身代上矜其誠懇

減配父獲免

按邵武府志一清字介卿能文有幹具事親孝萬曆乙亥授滿城訓導有聲望憲

院交獎謂其才堪民社卒於官

按邵武府志希稷字師忠授浙江嘉興別駕勸農興利民甚德

之值歲歉發粟賑民全活者衆後以直道見抑解綬乞休著攝生錄以行世 按明外史王肇坤傳順義知縣上官盡字忠赤曲沃人起家鄉舉廉執有聲與都指揮蘇時雨等守城城破盡自經時雨及訓導陳所蘊皆死

上官肅 上官止

按吉水縣志肅止父龍爲浙江開化令乙酉城陷執龍就戮二子願以身代不許曰父戮矣子豈忍猶生同日死

上官姓部紀事

桐下聽然陳亞刺郡時幕僚上官弼入都臨行祖道弼規亞曰郎中才行無虧但風刺大亟耳亞應聲曰君是上官弼也其如下官口何衆大噱

養由姓部列傳

周 養由基

按左傳宣公十二年夏六月晉師救鄭楚子爲乘廣三十乘分爲左右許偃御右廣養由基爲右